

# OMUKWETU

No 7

APILILI

1966

## EHEPEKO LA JESUS KRISTUS

Jesus kakwa li e nolupe ile ewapalo. Okwa li a dinwa nokwa efiwa kovanhuhu, omulumenhu womahepeko nomundunhu. Aveshe va tuvikila oipala yavo vehe mu tale, a fa oshinima shongaho.

Ndele oye okwe litwika oudu wetu, omachamo etu okwe a humbata. Fye otwe mu tala a handukilwa, a hepekwa nde a dengwa kuKalunga. Okwa tuwa molwomanyono etu, okwa

nyanyautilwa omatimba etu. Ehandu ole mu hanga, opo fye tu hale tu nombili nde twa velulwa koipute yaye. Fye atushe otwa li twa puka twa fa eedi, twe liyukila keshe umwe nondjila yaye mwene. Ndelene Omwene okwe mu twika omatimba etu.

Okwa hepekwa eshi e liyandjaye mwene, ye ina makula nande okanya kaye, ongaashi odi tai twalwa i ka dipawe nongaashi odi tai limwene-

nene omukululi, osho ina makula okanya kaye. Okwa kufwa mo medu lovanamwenyo, ndele omolwomanyono oshiwana shange okwa hangika komahepeko. Okwa valulilwa movakolokoshi. Okwa humbata omatimba mahapu. Okwa indilila ovahanauni nde kwa yandja omwenyo waye mokufya. Noneudo didilika: Aishe oya ningwa molwange nomolwoye, heeno, omolwange nomolwoye.



### JESUS OKWA MWENA

Kaifas, omusaseri omukuluntu gwaayuda, a konakona omusaseri omukuluntu gwomegulu.

Oonzapo dhe dhe ya nomatompelo niifundja yawo yaa na ohoni. Ihe Jesus a mwena. Ongoka a li e noonkondo okumweneka aatondi nohapu yimwe ayike. Oye a mwena nokwe ya etha ya popyagane noku mu poondjo.

Jesus ta thikama mpoka omutamaneke. Oondumba odhindjidhindji dhoondjo tadhi galangatithwa kombanda ye. Omatompelo ga li ga fomakuthikuthi. Oye shi vulu ngiini? Oya vulu tuu oku mu tala nomeho sho ya ningi ngeyi? Gumwe nge a sulaa-dhi a ladhipike wo ooyakwawo. Onda luka omukwiita gumwe ota nyengwa okulonga iihuna yi thike mpaka, ihe oya kolekathana nuuladhi wuulunde. Osho ya yolithathana nomasheko niihuna ye yi ningile Jesus. Gumwe a mono elwakani etiligane, omukwawo a ka tala omano. Gumwe nge kwa dhenge, omukwawo a hiya omayeye.





Apilili 1966

## ETEYO TALI THETA MOLU- OLUHEPO LWOMEYA

Mu South Arabia, omu noluhepo lwomeya, onkee kwa talwa kutya, eteyo lyoshilugu pokati koomvula 1965/66 otali ka theta. Okwa tumbulwa kutya, ngiika etata lyoshilugu shoshito alike tali ka tewa nokuli.

## EHANGANO LYOONGERKI OONKWA- EVANGELI PA LUTHER DHOMU SUIDELIKE AFRIKA

(The Federation of Evangelical Lutheran Churches in Southern Africa)

Moshifo shOmukwetu No. 5 mu Malitsa, mwa hokololwa amushanga gwongerki nomukuluntutumwa nkene ya yile koshigongi shuukumwe woongerki oonkwaLuther mu Suidelike Afrika.

Uukumwe woongerki ndhika owa lalakanenwa ethimbo ele nokuli.

**Onkatu yotango** oyo ya holoka omumvo 1953, sho pwa dhikwa OKANGUNDU KOKUKUNDATHANA koongerki dhomomukanka omukwaLuther (Council of Churches on Lutheran Foundation = CCLF). Elalakaneno lyokangundu nkoka, olyokuhedhitha popepi oongerki noongerki no-sho wo omatumo noongerki. Kehe omumvo kwa ningwa oshigongi shokangundu hoka, opo ku kundathanwe oompito dhelongelokumwe. Oongerki yetu netumo lyetu, olya tumu aluhe aapeha yalyo miigongi mbyoka. Iiyimati yelongelokumwe ya tameke okuholoka: oskola yuusita yoku Mapumulo, oradio yaakwaLuther, oshifo sha Credo n. t. Ihe oshiyimati shimwe oshinene shi nondilo osha koko kashona na kashona, sigo sha tameke okupya. Ngashingeyi moshigongi shoku Johannesburg eti-24 lya Febuluali, oshiyimati shika sha holoka nosho:

**Onkantuntu ontiyali** yomuukumwe woongerki ndhika: EHANGANO lyoongerki oonkwaEvangelii pa Luther dhomu Suidelike Afrika (The Federation of Evangelical Lutheran Churches in Southern Africa = FELCSA). Moshigongi shongashingeyi mwa kolekwa ekotampango (constitution) lyehangano ndika epe. Pakotampango ehanganano ndika olyo ekwathathano lyoongerki oonkwaLuther. Olyo li noonkondo adhike pamauvathano goongerki ndhoka iilyo yalyo. Ehanganano ndyoka kali noonkondo dha sha dhokwitula meipangelo lyoongerki nenge okuutha omautho ga sha koongerki.

Unene pethimbo ndika lyongashingeyi tapu pumbiwa onzapo yimwe yopambepo yoongerki adhihe oonkwaLuther, odho ngele oongerki dhaavalwamo nenge oongerki dhaatiligane. Otapu pumbiwa okuholola ewi lyoongerki miinima oyindji. Otapu pumbiwa elongelokumwe lya kola meputudho lyaayakuligongalo, moshilonga shetumo, moshilonga shomambo noshoradio nomokukwathathana kwi ili nokwi ili, kwopambepo nokwopalutu. Onke ngashingeyi tu nokuhambelela Omuwa gwOongerki omolwehangano lya holoka.

**Onkatu ontitatu** ihe tayi pumbiwa natango, oyo ONGERKI OONKWA-EVANGELI PA LUTHER YA HANGANA YOMU SUIDELIKE AFRIKA (The United Evangelical Lutheran Church in Southern Africa = UELCSA). Andola tse aakwanegongalo tu tameke okugalikanena oshiyimati sha tya ngaka oshinene.



## Omumvo nongola

Ihadhi endele shimwe. Osho omukulu gwonale a ti mokukuminwa iinima yi ili noyi ili hayi holoka omumvo kehe.

Omumvo gwonuumvo wo ogwe ya nelunduluko enene kombinga yookola. Nale inaku monika oongundu noongundu tadhi galuka komanongelo ya hupa ko molu othina. Othina oye etwa ku shoka aantu oyendji oye nehalo lyoskola, onke ooskola dha ningi oontshona. Ando dhi tane mOwambwee!

Yamwe otaa hupu ko sho inaa pita omakonakono getaambo lyomooongundu moka taa yi.

Aakwetu, ando itatu tuleni ko oothige koshipala omolu omulongi sho inaa pititha omunona gwaandjetu mongundu, e mu sile ngaa ohenda nando ina pita ekonakono. E mu lundululile mongundu yokomeho. Omunona omunamupya ngo ta silwa "ohenda" ndjo. (Mpaka ope na ngaa oshindji okufatulula ndele kashi shi shandje.) Oshi nekwatho enene komunona nge ta piti oongundu adhihe moshili.

Aakuluntu yamwe otaa ti, kape na mbudhi nge omunona ina dhiginina oskola yaanona, oshoka ota ka hupa ko esiku limwe. Aawe, oshi nombudhi onene. Mu mboka taa ningi ootsotsi, itamu adhika unene mboka ya li ya dhiginine moskola yaanona. Omukanka ngoka tagu pewa omunona moskola yaanona ogwo oshiholekwa oshinene. Ando kwa li hatu vulu okumona iiyimati yelongo lyomoskola yaanona, ando otatu kumwa. Omo yi li maasamane nomaakulukadhi ye nomagumbo ga putuka, ndele okuuyelele ngaa mboka ye u pewa mooskola dhaanona. Oshi noshilonga oshinene omunona a dhiginine oskola, oshoka sigo st. IV na st. V iti imbwa kothina ya sha.

Osho ngaa aniwa nokiilongo iikwetu yilwe, ha aalongwa ayehe taa mono ompito okutsikila, sigo okomeho. Ndele nando ongaaka otaa lalakanana ngaa ya taaguluke ostanda ontihamano.

Ihadhi endele shimwe. Taku ya ngaa ethimbo ndyoka omanongelo ga holoka gi ili nogi ili. Nena aanona otaa gwanene mo mugo.

L. A.



# V E T U T E T E K E L A



*Nakusa  
Omuyevangeliste Salomo Shadjanale*

Ombadilila eti-23/1/66, omuyevangeliste Salomo Shadjanale mEdundja, a hulifa oweenda waye moshipangelo mEngela. Okwa li needula 66.

Shadjanale a kala ehe na oukolele efimbo nefimbo mokukalamwenyo kwaye. Okwa longa noupenda oshilonga shaye mEdundja eedula 25 mouyevangeliste. Okwa li omunambili nde ina nyengula nande omunhu. MEdundja a kala mo omutungi wombili nomuhekeleki woonakunyika oufiye. Okwa longa noupenda fiyo omefyo laye. Pokufya a tumbula: Jesus Kristus oye omukwafi momaudjuu.

Omukulukadi waye, meme Fransina, opo e li moluhodi. Ove na omona umwe aeke Saima. Saima oye pafife omukulukadi womuyevangeliste Elia Kalola mu Gobabis nde e na ounona ovatekulu va Shadjanale vane, ou a popya ehokololo eli. Ohole ya Jesus nai va diinine mu Jesus Kristus.

Ongula yeti-16 Malitsa, oshikogo oshiluudhe osha siikile egumbo lyomusamane Thomas Kalumbu, sho omwanamati gwoomvula 22 a hulitha oondjenda dhe, mOnandjokwe, pethimbo ndika nokuli lyuunyashela. Oshikogo shika osha tengelele wo Oshigambo Hoërskool, oshoka Julius nguka okwa adhika omulongwa moskola ndjoka mongundu yomatilika nokuli.

Nakusa nguka okwa piti ostanda VI 1961 nokonima yoomvula ndatu okwa adha onzapo ya Juniolo, ano 1964. Ngashingeyi okwa adhika i ipyakidhila niilongwa yomatilika, ihe nani pethimbo olyo tuu ndika Kalunga okwa utha oku mu zimbula.

Iihauto yaathindikili yomudhimba oya landulathana yu uka kOlukonda, nkoka Julius a pakwa. Pefumviko omusitagongalo S. Elago okwa lesa mu Job. 14: 1-2 noku ulika uufupi wethimbo lyomuntu muuyuni.

Omusamane Thomas, he ya nakusa, okwa hokolola kutya, omumati gwawo nguka okwa putuka ngaa ambatha, ihe kashona na kashona okwa tameke okundjanga okwa li kee shi okulesha sigo iilongo okulesha. Tate Thomas okwa holola enyanyu lye nonando onoluhodhi, sho Kalunga e ya pele omumati omuvuliki nomunamikalo. "Oye ke na nando esiku limwe a yemateka ndje. Oye omudhiginini nomuvuliki. Onda adhika ndi mu niane omadhiladhilo omawanawa goku mu kwatha, opo a vule okuhuma komeho," osho tate Thomas a tumbula.

Omukuluntuskola, Oshigambo Hoërskool, okwa holola nkene yu uvite oluhodhi sho ya dhengwa noya yugwangeyi omulongwa ependa nomunandjangu. Kombila okwa tula ko oshipaka shoongala shi nenyolo ndika: "Aanelago oomboka ye noomwenyo dha yela oshoka otaka mona Kalunga. Otse aalongi naalongwa otatu ku kundu, Julius." Aalongwa yokOnguediva pamwe nomukuluntuskola gwawo, ye eta wo omapopitho nomahekeleko koonakuthigwa po.

Aahona yokOndangua oya tumu omapopitho gawo nomusamane H.D. Namuhuja. "Kalunga okwa popi nana megumbo lyouye Thomas. Ihe ito pumbwa oku nika oluhodhi ngaa ngoka waa netegameno lyomwenyo gwa aluhe," osho omapopitho gaahona ga li po ngaaka.



*Nakusa  
Aatu Julius Kalumbu*

Aakwezimo nokuume ka nakusa oya popi wo noku tumbula oohapu dhomatalaleko koonakusilwa.

Popepi neyakulo lya hugunina omumwayinakadhona gwa nakusa okwa imbi eimbilo: "Omegulu mwiya nda yuulukwa" ...

Hugunina omuyevangeliste E. Angula a tumbula: "Otwi ile po tu nomudhimba, ihe ngashingeyi otatu zi po na Jesus. Tu shuneni ano nawa na Jesus."

Ongundu yi thike popepi 200 oya halakana niihauto yi ifile okavi yi ihile komayana.

## AANASKOLA MOSHIGAMBO

Oya tokola ya umbe ongalo, ya gongele iimaliwa yokulanda emanya lyombila ya kuume kawo nakusa nguka Julius. Otaa indile kutya, kehe ngoka omwenyo gwe tagu mu lombwele okuumba wo mekwatho lyongalo ndjika, e shi ninge nenyanyu niimaliwa yi tumwe komukuluntuskola kOshigambo.

M. Amkongo






## MUSITA MATIAS SHIKONDOMBORO

Tani sanseke irugana yange mepongero lyaNkurenkuru. Nina wiza mepongero eli 1962, na diruka mo Lupara tu pingasane nomusita Gideon Muremi mezuva 15. 4. 62. Nina sikama kosizambo. Mupahukilimutayingereka Elia Neromba nomukuronatumi Veikko T. nina sanseke ehugvaru lyovakriste, imo ngesi na gwana epulisiro ni gwane sirugana somusita mo Nkurenkuru. Vanepongero va natambura nge nawa tu rugane kumwe.

One vanavamali mwa Kristus, tani mu sansekere kombudi zetu, ose avava Nkurenkuru. Tuna mono ngesi kombinga mutondi ta zuguma ikutyi yendi. Ana hara kuponyokesa vakriste vaha rugana morwa upagani una tu kara popepi. Nye Hompa Jesus munene. Ogu ta nomene nawa gavura nge pehagero lye-lima lina piti mepongero lyetu muna wiza mbunga zonene vapagani 200, vana ninki vakriste. Nome lima eli lye pe hena mbunga zonene zina hara ku hwilira moukriste.

Tu diworokeni momakanderero kosipara sa tate Karunga.

Matias Shikondomboro.



*Omusitagongalo Matias Shikondomboro, miilonga yegumbo ta tungu oshiiyogelo (osauna).*

### OTWA PEWA EUVANEKO

**Heb. 12: 28**

Omuyapostoli ota dhimbulutha ootaali omauvaneko omanene, sho tatu pewa oshilongo itashi inyenge, itashi hulu po. Mpaka omuntu ta pewa oonkondo komwenyo gwe.

Kuku Abraham sho a uvanekelwa oshilongo, okwa kala mo nokunya-nyukwa. Nando a li niimpwiyu yomatembu, apehe okwa tungile Omuwa oaltari noku mu simaneka noku mu longela.

### NKRUMAH OKU NA OVAPOPILI

Omalenga avali ovaGhana, Dr. Kobina Taylor na Kojo Mensah, ovo va kala noupolotika mepangelo la Nkrumah, ova popya kutya, Dr. Kwame Nkrumah, oku na ovakwaita meholeko 1,000, va holekwa popepi na Accra. Ava otava dulu okwalukila kuGhana monyati inene.

Ova ti kutya, ovakwaita ava vawe ovaRusia na vamwe ovaKiina. Ove na eenghono dihapu da fudikwa medu. Ove noikuluya ya wana ehani hamano noilwifolela.

Otse twa pewa wo euvaneko ene-ne, uuna twa taambelwa megongalo lya Kristus (Ef. 2: 19-22). Otu na omauvaneko ge vule ga kuku Abraham, tala Jak. 1: 12. Omukriste e nokukala nomukumo nguka, ngele menyanu nenge muudhigu omasiku agehe.

Otwa pewa edhimo lyoondjo mombinzi ya Jesus. Onke miilonga otatulongo nenyanyu, tu shi shi kutya, Omuwa te ya mbala, Luk. 19: 16-19. Taandelitha ano evangeli.

### OMBULU YE SHI TONWA KOONYUSHI.

Ombulu C. J. de Klerk, pofalama Swartkop, Keetmashoop, oya kutha okamatyona kayo, ya ka lye oonyushi moshikunino. Oonyushi inadhi ya tya po meho, oya zi po ompadhi ketako. Odhe ya tidhagula manga taye ga tonyo ya ka holame. Lago enene oshihauto she osha li popepi nomo yi iholeke.

Dho odhi itsa po omuwambo a thikama posihauto. Na ye wo okwa yandele mo, sigo a holama mokalunda ke eti isiikile uukumbyatha we.

### EKONGO LA KALUNGA

Omudo mupe otau tu dimbulukifa alushe onghenda ipe ya Tate Kalunga. Wo tau tu hololele outalanheni waye. Nomudo tuu ou 1966 Kalunga ota kongifa omunhu okaana komomwenyo, eendjovo daye, Omona nOmhepo yaye Iyapuki.

Ile ou li po wa dina etungo louwa noloutalonheni nomutimaule waye, ove ku shi shii, ouwa wa Kalunga otau ku shili u li dilulule? Ndele-nee nelikukutiko loye nokuhelidilulula kwomwenyo woye oto li kongele ehandu efiku lehandu noleholoko letokolo liyuki la Kalunga, ou ta pe keshe tuu oo shi fike poilonga yaye. Jesus ota ti: Tala, zme ohandi uya diva, nondjabi yange ondi li nayo oku i pa okeshe tuu shi fike poilonga yaye.

Lesha Rom. 2:4-6 nEhol. 22:12.

Simson Ndatipo.

### MATHIGATHANO NA MATHIGATHANO GOONDJUHWA DHINGILI

Pokalapa ya Venduka opwa ningilwe ethigathano lyoondjuhwa. Taa, olya li lya dhenga pombanda.




## AAMATI YOMOVENDUKA

Peha lyaamati yolwimbo mOvenduka, Israel Neumbo okwa nyola ngeyi: Tse otwa nyanyukwa okulandula Jesus moshinkoti she. Nonande okulandula Jesus okwa nikila uugoya aantu yopethimbo ndika, ethimbo lyoondunge odhindji, tse otatu nyanyukiwa okulandula Jesus. Oye Omukulili gwetu notse aantu ye. Meitaalo ote tu fala kelago lya aluhe megulu.



Ovamati mu Windhoek.




Aamati yomu Klein Windhoek, pokatilela tatu mono J. Ndemuueda.

## OMUNYASHA OTA AMENWA NGAHELIPi?

Okuya onhapo owii. Josef muEgipti okwa ya owii onhapo ei yokaulaulau. Okuya onhapo ohaku kwafa. Inda onhapo ookaume ovahongololi. Inda onhapo omahokololo neendjovo dii. Inda onhapo oivilo ii. Indila alu she.

Omwene Kalunga oye engholokuma tali tu dingilile. Limangela meindilo mekuma eli. Eilikano otali tele omuyelani kokule. "Indileni aluhe, muha ye momayeleko."

Ev. Leopold Mateus



## OIPOPIWA YOUKRISTE MORADIO YA PAKISTANI

Epangelo la Pakistani ola shiivifa kutya, moradio yalo otamu kala yo hamu popiwa eeprograma doukriste, shi yandje omundjene keemwenyo nde nokokukala akushe kwoshiwana. Inapa shiivifwa osho tashi kala mu Pakistani metumo leendaka moradio, osheshi eepelesenda damo 12, konyala odovanhuhu veitavelo la lukwa nonIslamic religions" manga ovakriste ve li mo ashike opelesenda 1.

## Suid-Afrika tali kwafa Rhodesia

Opa totwa natango oveta ipe yokukwafa Rhodesia meemhumbwe da-

## AAMATI MU KLEIN WINDHOEK

Peha lyaamati yomu Klein Windhoek, Johannes Ndemuueda, okwa nyola ngeyi: Otwa talelwa po kaamati yondolopa. Oye tu etele omahokololo, omapopitho nomaimbilo omawanawa.

Mokati kawo mwa li omuyevangeliste Lot Kaishungu, ta longo maaeyelele ku Kongo. Omusamane Lot e tu hokololele oshilonga shetumo mpeyaka no sha hwamitha oomwenyo dhetu nohole.

## Ovaleshi vOmbibeli luhapu ovanyasha

Mu Argentina mwa kundanwa kutya, konyala ovo hava lesa unene oinyolwa i lili noi lili yOmbibeli, ovo ovanyasha ve li peedula 18-30, hano eepelesenda 90 domouhapu wovanhu. Eshi osha monika mekonakono lokutala ovaleshi voinyolwa youkriste, la ningwa moshilando Buenos Aires.

ye. Epangelo la yandja elombwelo, omalenga alo aeshe a udifile akushe ovanhu oshinima eshi, opo tuu Rhodesia, olo oiwana younyuni ya hala oufemba wamo wa nyonauka, li mone shili ekwafo.



## AALESHI YOMUKWETU AAHOLIKE



*Aawambo mboka ye li mu Suomi oya talelwa pokomumbisofi Leonard Auala.*

Otamu kundilwapo nomwenyo aguhe kaawambo mboka ya tumwa ku Suomi, ye ki ilonge mooskola dhi ili nodhi ili mu Suomi. Oyo: Pastor Festus Ashipala nomupangi Otilia Kaholongo nomulongi Aune Shilongo nomupastor Kristof Shuuya nomupastor Abisai Shejavali. Oyo oya nyanyukilwa shili ompito ndjika ya pewa yi ilonge mu Suomi, ya wape okukwatha nawa oshigwana shawo.

Efano ndika olya kwatwa ongulohi yEtime, eti-3 lya Malitsa, mhungi yoshituthi, moka aasuomi oyendji ya li ya gongala okupulakena esilohenda lya Kalunga, nkene tali longo iikumitha mOwambo nOkavango, no mu S. W. A. alihe, koonkondo dhevangeli lyo mu Jesus Kristus. Oya li ya hala okupulakena wo uudhigu mboka u li mo mongerki onkwaEvangeli pa Luther yomOwambokavango, opo ya tale wo shoka taa vulu okukwatha.

Aawambo mbaka ye li mu Suomi oya nyanyukilwa wo etalelopo ndika ya talelwapo komumbisofi gwaandjawa.

Otandi kundile po wo aaleshi yOmukwetu ayehe noku mu halela eyambeko lya Kalunga.

Omumwanyoko Leonard Auala.

### OOSKOLA DHUUNAMAPYA TADHI KA TOTWA MOWAMBO NOKAVANGO

Omusamane R. L. Eaton, komufala omukuluntu gwaaluudhe, okwa tumbula ngeyi: Epangelo olya tokola, pu tungwe ooskola dhuunamapya mOwambo nomOkavango.

Aamati, aavalelwamo, mboka ya adha ostanda ontihamano noya hala moshilonga shika, otaa ka tumwa koskola yuunamapya ku Transvaal, opo ya longwe nkwiya. Otaa ka galukila nduno kooskola oompe mu Suidwes ya ninge aalongi naaulukili. Omumvo gwa piti okwa tumwa nale aamati 13 noyo ayehe oya suuladhi.

### OVAPANGULI VOHOFA YOUNYUNI VA ONGALA

Den Haag.- Ovapanguli 15 vohofa younyuni noohaikota natango vavali, ova ongalele mafiku aa. Ova li tava kundafana eemhangu da Suidwes, odo da kala mu Den Haag. Inapa shiivika, onaini taku yandjwa etokolo. Ope na eteelelo kutya, shiimba o-tapa piti ngaho natango efimbo lile, pamwe lemwedi mbali.

### DE GAULLE OKWA HALA PA KALE OMBILI

PARYS.- Omupresidente Charles de Gaulle wa Frankryk, okwa lombwela Ho Chi Minh, omupresidente wa Noord-Viëtnam kutya, okwa hala yo okulitula meuditonghenda loita yavo.

De Gaulle okwa ti kutya, ina panda nandenande eshi tava twikile alushe okulwa. Ina hala nande vali omalongekido okutwikila nokwoongela omatanga oita.

### Onghendabala yokudipaa

Eenghundana da dja mu Maseru, oshilando sha Basoetoland, otadi ti: Ope na omhangela yoshimati movashutu vamwe po, va hala va dipae Leabua Jonathan, elenga ou e li paife omuministeli wotete mu Basoetoland.

Okwa hokololwa kutya, ovapolifi ova shiiva nawa yo paife omhangela oyo. Omalandulafano otaa ningwa, opo ovatondi ve he shi monene omhito.



# OUNYUNI OTAU TONGO SHIKE

## SUIDWES OTALI KWAFALE RHODESIA

Opa holoka ongudu inene mOvenduka oyo ya tula eenghono kumwe i ongele oimaliwa, opo i dule okukwafela Rhodesia omahooli.

Ongudu oyo oye li pa edina "Kaume ka Rhodesia." Oyo ye li pyakidila shili nokwoongela eembongo domayuvi mahapu. Paife ova mona po nokuli R500 nova teelega dikwawo di dje keembinga neembinga da Suidwes. Omwalikadi C. Okerholster, womu Karasburg, okwa yandja oimaliwa tati wanene okulanda eendoloma 64 deehelenga 44, di yandjwe ku Rhodesia.

Ngeenge va ongela oimaliwa, otave ke i tuma ku Transvaal oku ku nehangano eli tali lande omahooli nokutuma nee ku Rhodesia.

## VERWOERD OKWA TI OKUKWAFI RHO- DESIA OMAHOOLI INASHI PUKA

"Ngeenge Britania, oo eume linene la Amerika, ta twikile okukwafa Cuba na North Vietnam, nena osha yuka ngaho unene ngeenge Suid-Afrika tali twikile oipindi yalo yoshito na mushiinda walo Rhodesia," osho Oministeli yotete Dr. H.F. Verwoerd a popya.

## OKAALITA OKAPE KA NYANYANGIDHWA

Moshinyanyangidho shepangelo omwa nyanyangidhwa okaalita okape koshitopolwa shokolukadhi lwa Afrika.

Okaalita nkono, kokekuma, oka longekidhwa kongundu ndjoka hayi lukwa "Trigonometrical Survey" yi li mu Pretoria.

Omadhina omape taga monika mo ogo ngaashi: Rhodesia, Republika ya Zambia na Malawi. Opwa dhiladhilwa kutya, ngele taka nyanyangidhululwa, omadhina Basutoland na Betsjoeanaland otaga ka nena mo.

Omahala goondama ngaashi Hendrik Verwoerd na Van der Kloof otaga monika. Etameko lyomulonga Oranje olyu ulikwa wo mokaalita nkoka. Otaka adhika mu "the Government Printer, Pretoria."

## UJUNI WA SHONOPALEKWA KIYENDITHO

Ondhila yimwe oya tuka mu Rio de Janeiro, Suid-Amerika, noye ende owala ootundi 11 nominute 55. Okwa talwa kutya, etuko lya tya ngaka olyondhila ndjoka hayi ende nedhagadhago (skroefaangedrewe vliegtuig).

Oshinano pokati kOvenduka na Rio de Janeiro osho oomaila 3,850 noshe endwa ootundi dha tumbulwa nale.

Ondhila oya li ya thinda kokapale Jan Smuts nokwa li yi na aantu 35.

## OMAKUUTUMBATHANO ITAGA HULU TUU!

Omaipulo omanene oga holoka moombastela dhomu Rehoboth. Shika oshe ya po, omolwa aavalelwamo yamwe, mboka ye li mokati kawo taa li yo taa ende ngashi ya hala.

Osho sha kuutumba oombastela nodha kundathana, ku totwe oveta ndjoka tayi vulu okupititha pondje aavalelwamo mboka taa longo pondje yompango. Oya ningi oshigongi noye eta omadhiladhilo gokukutha aakalele aavalelwamo kOrepublika.

## AARUSIA TAA TEGELELWA KO- MUNKULO GWA SUIDWES

Omunkulo gwa Suidwes otagu tonatelwa noonkondo pomasiku ngaka, oshoka oku uvika elaka Aarusia taa hedhahedha lwaankuka noombautu dhawo.

Omasiku ga piti, oya li taa kwata oohi komunkulo gwa Nieu-Skotland. Oombautu dhawo sho tadhi shonopala nkwiya, okwa tengenkwa oya fa yu uka ku Groenland, omolwa sho okwa dhiladhilwa otaa ka thika wo nokomunkulo gwa Suidwes.

## Oilema otai filwa oshisho

Epangelo lokufila oilema (oingudu) oshisho la Suidwes, ola ongela mafiku aa R159.91. Oimaliwa ei oya dja meengalo dovashiwana ovo va hala oingudu i filwe oshisho.

Epangelo loingudu ola pandula unene aveshe va yandja oiyandjiwa ei yonghenda.

## Oshilonga shinene shokukondjifa TB muSuidwes

Epangelo louhaku ola shiivifa kutya, otaku ningwa omalweendo manene muSuidwes alishe (taku fiywanafana po nokuli), okuvenda ovanhu omolwa TB.

## Osha monika luhamano kutya, oudu Polio kau mo mu Suidwes

Kape na nokuli omutoto kutya, omukifi ou wa lukwa Polio omo u li mu Suidwes. Osho yo keshe ou a vendwa ovenda yokutetako omukifi ou, ita kwatwa kuwo.

Oukwashili ou owa popiwa mOvenduka omafiku aa ku ndokotola A. H. Hitzeroth, omukulunhu umwe wouhaku. Okwa popya kutya, omukifi ou owa holokele ngaho lutatu mOmbaye, luvali mOmaruru na lumwe mOlaiyapa. Dr. Hitzeroth okwa ti kutya, ou ta kwatwa koudou ou, oyou ashike ina vendekeka. Ndelene ngeenge omunhu okwa vendwa nawa, kape na okapeta.

## Oveta tai handukile ovo tava nyono

**ONDOBE.-** Sem Nauyoma, omukunda Okatoo meengalo lOndobe, okwa tokolelwa eflyo mOvenduka omafiku aa, osheshi okwa dipaa omunhu NOWINA.

**ONIPA.-** Paulus David (Sumala), okwa pangulwa wo mOvenduka omasiku ngaka nokwa pewa oomvula 10 mondholongo, sho a dhipaga omuntu omolu iinima yaa na omutse nondungu.

## ZAMBIA

Moradio yaZambia omwa popiwa kutya, momafiku 18/3/66, oskola yokombanda (Universiteit) ya Zambia, otai yeululilwa ovalongwa ovadalelwa mo vamo. Okwa popiwa yo kutya, oilongwa yopaunghulungu womaludi e lili noku lili, otai longwa moskola oyo.





Nonande Jesus Kristus a hepekwa nokwa si, otu na e-  
uvaneko lye lya kolla sho a ti: "ESI-KU ETITATU OTANDI YUMUKA KUUSI."

**ETSEYITHO**

Oshifo "CREDO" shoshiingilisa, hashi holoka moshikako kehe, hashi nyanyangidhwa mu Durban, otashi monika. Oyendji oya tseya nookuli oshifo shika. Ngoka a hala oku shi lesa nokulikola uuyamba womusho, ni inyolithe mbala kombelewa yongerki. Oshifo otashi pula 50c momuvo. Iimaliwa neyi tume ku P. Shipena kOniipa.

Absalom Iindongo, Platveld sdg, S. A. S. Possak 1008, Otavi, okwa nyola 12/3/66 ngaha: Omumati Wilhelm Ashipala okwa sa. Wilhelm nguka aniwa okwa zile pomukunda Onambango, aantu yamwe otaa ti okwa zile pOkapya ka Kapolo. Okwa sile mofalama oomaila 5 okuza mOkaputa. Ngoka u mu shi hupulutha ooyina.

**ETUMO MUUNINGININO**

Aagundjuka tatu mu pandula sho mwa tumu iimaliwa yokulonga oshilongatumo maandjetu. Otwa taamba iimaliwa yeni ngeyi:

Aavenduka iinima yeni oya thikithwa ku Lasarus Katoma Iwaali:

Yotango oyi vule	R 7. 00
Lutiyali oyo	R 7. 00
Ku Paulus Isak	R10. 50
	<u>24. 50</u>

Oohema, oombulukweya, omalapi noongodhi dhokuhondja noothewa odha thiki dha zi ku Lasarus Shatuka na Paulus Isak.

Kombinga yEtunda kwa tuminwa ngashi mwa ti: Oya zalekwa kune. Aayeleele wo otaa ki isikila eguwo mwe li tumu.

Tangi kumboka mwa tumu omagano ketumo lyetu.

Etumo olya longo ngeyi omumvogwali 1965.

Ye ya	Ya yi
Oongalo 178.44	Oondjambi R 504. 00
Omagano 634.05	Yilwe 169. 00
Kumwe 812.49	<u>673. 00</u>

Mokulonga uuwanawa inatu vulweni.

Amakutuwa

**BRITANIA OTALI MONO YO OIMALIWA YEEDESIMALE**

LONDEN.- Oimaliwa eeponda eefilinga nomapeni ya Britania, otai ka lunduluka yo, i ninge yeedesimale, osho omushamane James Callaghan, a popya omafiku aa. "Elunduluko eli ola fanekwa li holoke modula 1971, onghe omalunduluko taa ka tameka mu Febuluali 1971," Callaghan a tya.

Britania olo limwe lomadu manini taa longifa oifilinga 20 moponda nomapeni 12 mofilinga. Omadu makwao e li ngaha oo: Bahamas, Nieu - Seeland, Fidji - eilande, Zambia, Jamaika na Malawi.

**EHANGANO**

**ETSEYITHILO:**

Aantu oyendji ya tegelele nale ya mone oshifo shawo ye shi mbestela nale shika "EHANGANO", ihe ya limbililwa sho inaali holoka.

Ehangano olya li lya tokolwalyaaha indjipalithwe we, ihe li nyanyangidhwe. Otwa kala nokutegelela aantu oyendji yi inyolithe nomwaalu gwaataambi nge gwa ningi ogwindji, li nyanyangidhwe ihe. Opwa holoka aantu aashonashona yowala noshe tu tokitha. Pwa tokolwa ano Ehangano li indjipalithwe ashike manga, opo komeho ngele tapu holoka aatambi oyeendji, li nyanyangidhwe ihe.

Oshifo Ehangano otashi humithwa komeho. Yimwe yomiinyolwa yasho yi nokukala mbika tayi landula:

- 1) Iinima yomagumbo noyiipalutha.
- 2) Iinima yootransporta.
- 3) Iilonga yomUushimba.
- 4) Okuhumitha komeho eithano.
- 5) Okutula iinima oondjele.
- 6) Uundjolowele.
- 7) Uudiakoni.
- 8) Aagundjuka.
- 9) Ongerki neliko lyomagumbo.
- 10) Oshilonga shomambo na
- 11) Nkene tu na okwizaleka osho nosho.

Ezimba lyehangano lyaagundjuka nolyaanashilonga otali nika li li pokuya. Oshifo shika EHANGANO, shi na nale nokuli edhina ndyoka. Osho tashi ningi ngaka omukanka gwehangano lyetweni, ndyoka twe li yuulukwa unene. Olyo li nokukankamakwa komuhanganithi Jesus. Tega ano nenyanyu oshifo shotango.

FINSE SENDINGDRUKKERY  
ONIIPA  
OVAMBOLAND